

## Doa Awal Muharram

Amalan ini telah diajar oleh Nabi Khidir عليه السلام kepada Imam Ghazali رحمه الله, sepertimana yang tersebut di dalam kitab **Safinah al-Zaman**, karangan Al-Allamah Sayyid Ahmad Zaini Dahlan رحمه الله.

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ. اللَّهُمَّ إِنِّي أَسْأَلُكَ بِكَ أَنْ تُصَلِّيَ وَتُسَلِّمَ عَلَى سَيِّدِنَا مُحَمَّدٍ وَعَلَى سَائِرِ الْأَنْبِيَاءِ وَالْمُرْسَلِينَ وَعَلَى آلِهِمْ وَصَحْبِهِمْ أَجْمَعِينَ، وَأَنْ تَغْفِرَ لِي مَا مَضَى وَتَحْفَظَنِي فِي مَا بَقِيَ، يَا أَرْحَمَ الرَّاحِمِينَ. اللَّهُمَّ هَذِهِ سَنَةٌ جَدِيدَةٌ مُقْبِلَةٌ لَمْ أَعْمَلْ فِي ابْتِدَائِهَا عَمَلًا يُقَرِّبُنِي إِلَيْكَ زُلْفَى غَيْرَ تَضَرُّعِي إِلَيْكَ، فَاسْأَلُكَ أَنْ تُوفِّقَنِي لِمَا يُرْضِيكَ عَنِّي مِنَ الْقِيَامِ لِمَا لَكَ عَلَيَّ مِنْ طَاعَتِكَ، وَالزَّمَنِي الْإِخْلَاصَ فِيهِ لَوَجْهِكَ الْكَرِيمِ فِي عِبَادَتِكَ، وَأَسْأَلُكَ إِثْمَامَ ذَلِكَ عَلَيَّ بِفَضْلِكَ وَرَحْمَتِكَ، اللَّهُمَّ إِنِّي أَسْأَلُكَ خَيْرَ هَذِهِ السَّنَةِ الْمُقْبِلَةِ يُمْنَهَا وَيُسْرَهَا وَأَمْنَهَا وَسَلَامَتَهَا، وَأَعُوذُ بِكَ مِنْ شُرُورِهَا وَصُدُودِهَا وَعُسْرِهَا وَخَوْفِهَا وَهَلَكَتِهَا، وَأَرْغَبُ إِلَيْكَ أَنْ تَحْفَظَ عَلَيَّ فِيهَا دِينِي الَّذِي هُوَ عِصْمَةُ أَمْرِي، وَدُنْيَايَ الَّتِي فِيهَا مَعَاشِي، وَتُوفِّقَنِي فِيهَا إِلَى مَا يُرْضِيكَ عَنِّي فِي مَعَادِي، يَا أَكْرَمَ الْأَكْرَمِينَ، يَا أَرْحَمَ الرَّاحِمِينَ، وَصَلَّى اللَّهُ تَعَالَى عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّم، دَعَوْتُهُمْ فِيهَا سُبْحَنَكَ اللَّهُمَّ وَتَحِيَّتُهُمْ فِيهَا سَلَامٌ وَءَاخِرُ دَعْوَتُهُمْ أَنْ

الْحَمْدُ لِلَّهِ رَبِّ الْعَالَمِينَ ﴿١﴾

“Segala puji bagi Allah Tuhan sekalian alam. Ya Allah! Sesungguhnya aku memohon kepadaMu, denganMu, agar Engkau melimpahkan rahmat dan kesejahteraan ke atas penghulu kami Muhammad, sekalian para Nabi dan Rasul, serta keluarga dan sahabat-sahabat mereka sekalian, aku juga memohon agar Engkau mengampunkan dosaku yang telah lalu dan memelihara aku pada baki usiaku, wahai Tuhan Yang Maha Pengasih dari segala yang mengasihani. Ya Allah! Ini ialah tahun baru yang telah menjelang, tetapi aku masih belum melakukan pada permulaannya sebarang amalan yang akan mendekatkan diriku kepadaMu melainkan yang ada hanyalah kerendahan hatiku kepadaMu, maka aku memohon kepadaMu agar Engkau mentaufiqkan aku dengan perkara yang Engkau redhai terhadapku daripada melakukan ketaatan kepadaMu, dan lazimkanlah aku dengan ikhlasan dalam melakukan ibadah kepadaMu semata-mata mengharapkan keredhaanMu yang mulia, aku juga memohon kepadaMu kesempurnaan ibadah yang aku lakukan dengan kurniaan dan rahmatMu. Ya Allah! Sesungguhnya aku memohon kepadaMu kebaikan tahun yang telah menjelang ini; kurniaan, kemudahan, keamanan dan keselamatannya. Dan aku berlindung denganMu daripada kejahatan, halangan, kesukaran, ketakutan dan kerosakannya. Dan aku suka memohon kepadaMu agar Engkau memelihara ke atasku pada tahun ini agamaku yang menjaga urusanku dan duniaku yang di dalamnya terdapat kehidupanku, dan taufiqkanlah aku pada tahun ini kepada perkara yang mengundang keredhaanMu terhadapku di tempat kembaliku, wahai Tuhan Yang Maha Mulia sekalian makhluk yang mulia! Wahai Tuhan Yang Maha Pengasih dari segala yang mengasihani. Semoga Allah melimpahkan rahmat dan kesejahteraan ke atas penghulu kami Muhammad dan ke atas keluarga serta sahabat-sahabat Baginda. Dan ucapan mereka di dalam syurga itu ialah: Maha Suci Engkau dari segala kekurangan, ya Allah! Dan ucapan penghormatan mereka padanya ialah: Selamat Sejahtera! Dan akhir doa mereka ialah segala: segala puji dipersembahkan kepada Allah yang memelihara dan mentadbir sekalian alam.”

Saya Al-Faqir Al-Haqir ila Rahmatillah Ta'ala Muhamad Rauf Bin Minhat menerima sanad doa ini daripada Guru yang kasih Asy-Syeikh Muhammad Fuad Bin Kamaludin Al-Maliki, daripada Sayyid Muhammad ibn 'Alawi Al-Hasani, daripada Syeikh Soleh Al-Ja'fari, daripada Sayyid Ahmad Al-Syarif Al-Mujahid, daripada Sayyid Ahmad Al-Rifa'i, daripada Sayyid Muhammad Ali Al-Sanusi, daripada Sayyid Ahmad ibn Idris Al-Hasani, daripada Sayyid Abu Al-Mawahib Al-Tazi, daripada Abu Al-Asrar Hasan Al-'Ujaimi, daripada Al-Syam Muhammad ibn Al-'Ala' Al-Babili, daripada Al-Amin Muhammad Al-Najjar, daripada Jalaluddin Al-Mulaqqin, daripada Ishaq Al-Tannukhi, daripada Sulaiman ibn Hamzah, daripada Umar ibn Karam, daripada Abdul Khaliq, daripada Abu Hamid Muhammad ibn Muhammad Al-Ghazali رحمه الله.

Dinukil Dari Kitab **Amalan Awal Muharram dan Hari Asyura**, oleh Asy-Syeikh Muhammad Fuad Bin Kamaludin Al-Maliki.